



## CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

### ORDENANZA REGULADORA DAS BASES DAS AXUDAS PARA EMERXENCIAS SOCIAIS DO CONCELLO DE FOZ

#### Fundamento lexislativo

O Concello de Foz asume as competencias que establecen o artigo 25.2.k) da Lei 7/1985, de 2 de abril, reguladora das bases do réxime local, o artigo 80 da Lei 5/1997, do 22 de xullo, de Administración Local de Galicia, e os artigos 4 e 8.3 da Lei 4/1993, do 14 de abril, de Servizos Sociais da Comunidade Autónoma de Galicia, ademais da Lei 38/2003, do 17 de novembro, Xeral de Subvencións. Por iso, establece a normativa que recolle a regulación básica das prestacións para emerxencias sociais, destinadas a persoas que estean en situacións carenciais.

#### Artigo 1.º.-O concepto das axudas para emerxencias sociais.

As axudas para emerxencias sociais son as disposicións pecuniarias que cumpran os requisitos que sinala o artigo 2.1 da Lei xeral de subvencións e que realice o Concello de Foz a favor de persoas físicas para paliar situacións carenciais transitorias e imprevistas ou excepcionais, así como para previr o seu agravamento.

Será incompatible a concesión da axuda económica coa prestación gratuíta de servizos que cubran as mesmas necesidades.

Estas axudas tamén serán en todo caso incompatibles con calquera outras para a mesma finalidade que podan conceder outras Administracións Públicas ou privadas, e so se concederán ata os límites consignados en cada momento nas partidas 313.48901 e 422.48901 dos correspondentes Orzamentos Xerais municipais de cada exercicio, e en ningún caso a axuda concedida será superior ao gasto efectivamente realizado, xustificado e /ou orzamentado polo unidade familiar solicitante.

#### Artigo 2.º.-O ámbito subxectivo de aplicación (beneficiarios).

1. A presente normativa regula a xestión das axudas para emerxencia social que lle conceda o Concello de Foz ás persoas físicas que cumpran os seguintes requisitos:

- Ter a residencia acreditada no Concello de Foz cunha antigüidade mínima de 1 ano.
- Ser maior de idade ou menor emancipado con cargas familiares.
- Percibir a unidade familiar uns ingresos anuais inferiores ao disposto en cada caso no artigo cinco das presentes bases.



## CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

### 2. Posibles beneficiarios das axudas de emerxencia social:

a) Poderán beneficiarse destas axudas as persoas físicas que se indicaron máis arriba, consideradas individualmente ou como membros dunha unidade familiar. Para os efectos desta ordenanza, enténdese como unidade familiar o núcleo de convivencia que estea composto por dúas ou máis persoas vinculadas por matrimonio ou por outra forma de relación estable análoga á conxugal, por parentesco de consanguinidade ata o segundo grao e por afinidade ata o terceiro grao.

b) No caso de que o Concello lle conceda a axuda á unidade familiar, os seus membros integrantes non poderán beneficiarse de axudas de emerxencia social consideradas individualmente. No caso de que queiran optar individualmente a estas axudas, deberán formular por escrito a declaración de exclusión da unidade familiar.

### Artigo 3.º.-A finalidade das axudas (ámbito obxectivo).

As axudas de emerxencia social teñen como finalidade paliar situacións carenciais transitorias e imprevistas ou excepcionais, así como prever o seu agravamento. En particular, estas axudas tenderán a cubrir o financiamento total ou parcial dos gastos derivados das seguintes situacións:

a) Situacións de ingresos insuficientes, que provocan unha situación temporal de insuficiencia de recursos económicos para cubrir as necesidades primarias.

b) Situacións de necesidade provocadas por catástrofes, epidemias, intoxicacións e outras análogas de carácter excepcional que provoquen dificultades para satisfacer as necesidades primarias.

### Artigo 4.º.-As clases e as contías máximas das axudas.

A) Dentro dos termos do artigo anterior establécense as seguintes clases de axudas:

1. **Manutención:** Durante tres meses consecutivos ou ben unha vez cada dous meses ao longo do ano, ata o tope máximo anual de 175,00 euros por unidade familiar. Enténdese incluído dentro do concepto de manutención o leite maternizado. Neste caso, a contía máxima por unidade familiar fíxase en 225,00 euros

2. **Medicación:** Durante tres meses consecutivos ou ben unha vez cada dous meses ao longo do ano ata un tope máximo anual de 200,00 euros. Enténdese incluído dentro deste concepto o material oftalmolóxico e bucodental.

3. **Gastos de vivenda:** Contía máxima anual por unidade familiar: 200,00 euros. Tratarase de reparacións que se consideren básicas para o desenvolvemento mínimo da vida familiar, segundo podan apreciar os servizos Sociais municipais.

4. **Non pagamento de subministracións (enerxía eléctrica, auga, gas):** Contía máxima anual por unidade familiar: 125,00 euros.

5. **Gastos de transporte** para asistir a tratamentos de rehabilitación de toxicomanías: Contía máxima anual por unidade familiar: 125,00 euros

6. **Pagamento de actividades socioculturais** organizadas polo Concello de Foz que sexan precisas para a integración social, especialmente dos menores: ata un tope máximo de 150,00 euros ao ano.

7. **Becas para material escolar:** Contía máxima anual por unidade familiar. Neste caso o destinatario deste material escolar deberá cursar os seus estudos en centros radicados



## CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

no Concello de Foz de ensino obrigatorio incluída educación infantil, salvo causa xustificada de imposibilidade por razóns que deberán ser apreciadas no seu caso polos Servizos Sociais do Concello:

- Educación infantil: 200,00 euros
- Educación primaria: 150,00 euros
- Educación secundaria: 250,00 euros

8. **Comedor escolar:** contía máxima anual por unidade familiar 550,00 euros

Para a concesión desta axuda teranse en conta ademais dos requisitos xenéricos recollidos nesta Ordenanza os seguintes:

- So se concederá para comedores escolares de colexios públicos
- Con carácter previo será requisito necesario facer o posible para o traslado dos escolares a centros públicos que conten con servizo de comedor gratuito
- So se concederá esta axuda cando sexa preciso para lograr a conciliación da vida laboral e familiar apreciada polos Servizos Sociais municipais.
- As potenciais axudas por este concepto serán estudadas de xeito independente ás demais e resoltas favorablemente cando, aínda incumprindo os límites do artigo cinco destas bases, a criterio dos servizos sociais municipais existan características/condicións que así o aconsellen (imprescindible para conciliación de vida laboral e familiar...)

9. **Violencia de xénero:** Aloxamento de urxencia, manutención e gastos de desprazamento en casos de violencia de xénero ata que se faga cargo o servizo correspondente da Comunidade Autónoma cun límite revisable de 5 días e un importe máximo por día de 80,00 euros, que poderá aumentarse en casos excepcionais tras a apreciación dos Servizos Sociais municipais.

No caso de que a axuda de emerxencia social se conceda a unha persoa física, para os únicos efectos de determinar as contías máximas do apartado anterior deste artigo, así como para a determinar as contías concretas segundo o artigo seguinte, o Concello entenderá que a persoa física beneficiaria constitúe unha unidade familiar integrada por un único membro.

A cantidade global percibida por todos os conceptos anteriores non poderá superar no cómputo anual os 550,00 euros.

B) O Concello poderá conceder a axuda se hai unha situación de emerxencia social que faga preciso un tipo de solución distinta das incluídas no apartado anterior deste artigo, sempre que concorran as circunstancias do artigo 3 desta ordenanza e sempre que a persoa que solicita a axuda xustifique a necesidade mediante un informe do Departamento de Servizos Sociais. A contía máxima da axuda será aquela que corresponda á sinalada no apartado anterior coa que teña unha maior similitude, ou aquela que razoablemente e dentro dos límites anteriores se determine polos Servizos Sociais municipais.

### **Artigo 5.º.-Os coeficientes de ponderación da contía total.**

1. O Concello modulará en cada caso as cantidades máximas determinadas no artigo anterior aplicando os coeficientes que figuran no apartado seguinte deste artigo e que atenden a:



## CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

a) A porcentaxe que representan os ingresos da unidade familiar ponderados polo número de membros e cun límite máximo de ingresos en función de determinadas porcentaxes sobre salario mínimo interprofesional vixente en cada momento.

### 2. Coeficientes:

<b>% de ingresos mensuais da unidade familiar dun so membro co limite do 50% do S.M.I. (312,00 € en 2009)</b>	<b>CI</b>
Entre 80 e 100 % do importe do 50 % do SMI	0,20
Entre 60 e 80 % do importe do 50 % do SMI	0,40
Entre 40 e 60 % do importe do 50 % do SMI	0,65
Entre 20 e 40 % do importe do 50 % do SMI	0,85
Entre 0 e 20 % do importe do 50 % do SMI	1
<b>% de ingresos mensuais da unidade familiar de dous membros co limite do 49% do S.M.I. por cada un (612,00 € en 2009)</b>	<b>CI</b>
Entre 80 e 100 % do importe do 49 % do SMI por cada membro	0,20
Entre 60 e 80 % do importe do 49 % do SMI por cada membro	0,40
Entre 40 e 60 % do importe do 49 % do SMI por cada membro	0,65
Entre 20 e 40 % do importe do 49 % do SMI por cada membro	0,85
Entre 0 e 20 % do importe do 49 % do SMI por cada membro	1
<b>% de ingresos mensuais da unidade familiar de tres membros nas que exista descendente (fillo/a) a cargo co limite do 48% do S.M.I. por cada un (900,00 € en 2009)</b>	<b>CI</b>
Entre 80 e 100 % do importe do 48 % do SMI por cada membro	0,20
Entre 60 e 80 % do importe do 48 % do SMI por cada membro	0,40
Entre 40 e 60 % do importe do 48 % do SMI por cada membro	0,65
Entre 20 e 40 % do importe do 48 % do SMI por cada membro	0,85
Entre 0 e 20 % do importe do 48 % do SMI por cada membro	1
<b>% de ingresos mensuais da unidade familiar de catro membros nas que existan descendentes (fillo/a) a cargo co limite do 39,66% do S.M.I. por cada un (990,00 € en 2009)</b>	<b>CI</b>
Entre 80 e 100 % do importe do 39,66 % do SMI por cada membro	0,20
Entre 60 e 80 % do importe do 39,66 % do SMI por cada membro	0,40
Entre 40 e 60 % do importe do 39,66 % do SMI por cada membro	0,65
Entre 20 e 40 % do importe do 39,66 % do SMI por cada membro	0,85
Entre 0 e 20 % do importe do 39,66 % do SMI por cada membro	1



## CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

<b>% de ingresos mensuais da unidade familiar de cinco membros nas que existan descendentes (fillo/a) a cargo co limite do 34,90% do S.M.I. por cada un (1.089,00 € en 2009)</b>	<b>CI</b>
Entre 80 e 100 % do importe do 34,90 % do SMI por cada membro	0,20
Entre 60 e 80 % do importe do 34,90 % do SMI por cada membro	0,40
Entre 40 e 60 % do importe do 34,90 % do SMI por cada membro	0,65
Entre 20 e 40 % do importe do 34,90 % do SMI por cada membro	0,85
Entre 0 e 20 % do importe do 34,90 % do SMI por cada membro	1
<b>% de ingresos mensuais da unidade familiar de seis membros nas que existan descendentes (fillo/a) a cargo co limite do 32% do S.M.I. por cada un (1.197,90,00 € en 2009)</b>	<b>CI</b>
Entre 80 e 100 % do importe do 32 % do SMI por cada membro	0,20
Entre 60 e 80 % do importe do 32 % do SMI por cada membro	0,40
Entre 40 e 60 % do importe do 32 % do SMI por cada membro	0,65
Entre 20 e 40 % do importe do 32 % do SMI por cada membro	0,85
Entre 0 e 20 % do importe do 32 % do SMI por cada membro	1

**A partires de seis membros, o límite de ingresos por unidade familiar incrementarase nun 10% por cada membro computable.**

### **Artigo 6.º.-O cómputo dos ingresos.**

Para os efectos do previsto no artigo 5, o cómputo dos ingresos das posibles persoas beneficiarias da axuda de emerxencia social, o Concello terá en conta en principio a base imponible da derradeira declaración do IRPF, minorado no mínimo persoal e familiar do imposto. No caso de que a persoa que solicita a axuda non estea obrigada a presentar a declaración do IRPF ou ben desta se desprenda que non pon claramente de manifesto os ingresos que percibe o beneficiario, acreditará os ingresos anuais a través, das certificacións de non obrigatoriedade de declaración de IRPF onde consten os ingresos percibidos, das nóminas, dos certificados do INEM, dos certificados da Seguridade Social sobre a vida laboral ou das percepcións de subvencións, das certificacións de xuros bancarios ou dos derradeiros movementos bancarios e/ou de calquera outra forma que o Concello considere necesaria para acreditar os ingresos.

O concello de Foz investigará e inspeccionará de xeito rigoroso a veracidade dos datos económicos achegados/declarados polos solicitantes así como a ocultación ou falsidade de calquera outras fontes de ingresos non declaradas (rendas, xuros...) e a tal efecto constituirá unha Comisión de Seguimento da que formarán parte a Concelleira de servizos Sociais e os representantes do resto dos grupos políticos municipais que se designen.



## CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

### **Artigo 7.º.-As obrigas dos beneficiarios.**

As persoas beneficiarias das axudas de emerxencia social que outorgue o Concello de Foz quedarán sometidas ás obrigas xerais reguladas no artigo 14 da Lei 38/2003, xeral de subvencións, especialmente a xustificación que se someterá ao disposto nas Bases de Execución dos Orzamentos Xerais sobre a materia, ás que poida recoller a Ordenanza xeral de subvencións que aprobe no seu caso o Concello de Foz ou as Bases reguladoras dos seus Orzamentos Xerais, así como ás seguintes obrigas específicas:

- a) Ao cumprimento das condicións que o Concello poida establecer no acordo da concesión da axuda e que vaian destinadas a que poidan superar a situación de emerxencia social que motivou a concesión da subvención.
- b) Á escolarización dos menores que se atopen en idade de ensino obrigatorio.

### **Artigo 8.º.-A tramitación.**

A tramitación das axudas de emerxencia social axustarase ao seguinte procedemento:

- 1) Inicio: O procedemento iníciase mediante unha solicitude do interesado en obter a axuda de emerxencia social. O interesado dirixirá a solicitude ao alcalde do Concello de Foz. Coa solicitude achegará a documentación que acredite a situación de carencia.
- 2) Instrución: O alcalde trasladará a solicitude ao Departamento de Servizos Sociais. O técnico/a dese departamento emitirá o correspondente informe-proposta, no que valorará debidamente a situación que o interesado acreditou documentalente. Ademais no informe o técnico ou a técnica do Departamento de Servizos Sociais cuantificará inicialmente o importe da axuda.

Unha vez que estea completo o expediente, o Departamento de Servizos Sociais remitirallo ao interventor municipal para a súa fiscalización previa.

- 3) Resolución: Logo de que o interventor municipal realice a fiscalización previa, remitiralle o expediente ao alcalde (ou ao órgano que nese momento teña delegada a competencia segundo a Ordenanza Xeral de Subvencións ou as Bases de Execución dos Orzamentos Xerais), para que dite a correspondente resolución administrativa.

### **Disposición final.**

De conformidade co que dispón o artigo 70.2 da Lei 7/85, reguladora das bases do réxime local, esta ordenanza entrará en vigor unha vez que o Concello publique o seu texto íntegro no Boletín Oficial da Provincia e logo de que transcorra o prazo de quince días hábiles ao que se refire o artigo 65.2 desa lei.

Foz a, 11 de agosto de 2009

O Alcalde,

Asdo. José María García Rivera